

Q. D. B. V.

DISPUTATIO POLITICA

DE

LEGIBUS FUN-  
DAMENTA-  
LIBUS;

In quâ defendendâ,

PRÆSIDE

VIRO PLURIMUM REVERENDO, AMPLISSIMO,  
ET EXCELLENTISSIMO,

DN. MICHAELE WENDELERO,

SS. Theol. D. ejusdemq; P. P. Extraordinario,

& Philos. Moral. Ordinario famigeratissimo,

Præceptore & Fautore suo obsequioso  
cultu devenerando,

Die II. Martii in Audit. Majori,

publicè ingenii periculum faciet

JOHANNES GEORGIUS PFLUG

Eqves Misnicus

A. & R.

---

WITTEBERGÆ,

Typis FRIEDRICI WILHELMI FINGELII, Anno M DC LXV.

DM. JOHANNI  
GEORGIO FR.

SAXONIAE ELECTORATVS

THE UNIVERSITY OF CHICAGO

336 337 338 339 340 341 342 343 344 345 346 347 348 349 350 351 352 353 354 355 356 357 358 359 360 361 362 363 364 365 366 367 368 369 370 371 372 373 374 375 376 377 378 379 380 381 382 383 384 385 386 387 388 389 390 391 392 393 394 395 396 397 398 399 400 401 402 403 404 405 406 407 408 409 410 411 412 413 414 415 416 417 418 419 420 421 422 423 424 425 426 427 428 429 430 431 432 433 434 435 436 437 438 439 440 441 442 443 444 445 446 447 448 449 450 451 452 453 454 455 456 457 458 459 460 461 462 463 464 465 466 467 468 469 470 471 472 473 474 475 476 477 478 479 480 481 482 483 484 485 486 487 488 489 490 491 492 493 494 495 496 497 498 499 500 501 502 503 504 505 506 507 508 509 510 511 512 513 514 515 516 517 518 519 520 521 522 523 524 525 526 527 528 529 530 531 532 533 534 535 536 537 538 539 540 541 542 543 544 545 546 547 548 549 550 551 552 553 554 555 556 557 558 559 560 561 562 563 564 565 566 567 568 569 570 571 572 573 574 575 576 577 578 579 580 581 582 583 584 585 586 587 588 589 590 591 592 593 594 595 596 597 598 599 600 601 602 603 604 605 606 607 608 609 610 611 612 613 614 615 616 617 618 619 620 621 622 623 624 625 626 627 628 629 630 631 632 633 634 635 636 637 638 639 640 641 642 643 644 645 646 647 648 649 650 651 652 653 654 655 656 657 658 659 660 661 662 663 664 665 666 667 668 669 670 671 672 673 674 675 676 677 678 679 680 681 682 683 684 685 686 687 688 689 690 691 692 693 694 695 696 697 698 699 700 701 702 703 704 705 706 707 708 709 710 711 712 713 714 715 716 717 718 719 720 721 722 723 724 725 726 727 728 729 730 731 732 733 734 735 736 737 738 739 740 741 742 743 744 745 746 747 748 749 750 751 752 753 754 755 756 757 758 759 760 761 762 763 764 765 766 767 768 769 770 771 772 773 774 775 776 777 778 779 780 781 782 783 784 785 786 787 788 789 790 791 792 793 794 795 796 797 798 799 800 801 802 803 804 805 806 807 808 809 810 811 812 813 814 815 816 817 818 819 820 821 822 823 824 825 826 827 828 829 830 831 832 833 834 835 836 837 838 839 840 841 842 843 844 845 846 847 848 849 850 851 852 853 854 855 856 857 858 859 860 861 862 863 864 865 866 867 868 869 870 871 872 873 874 875 876 877 878 879 880 881 882 883 884 885 886 887 888 889 890 891 892 893 894 895 896 897 898 899 900 901 902 903 904 905 906 907 908 909 910 911 912 913 914 915 916 917 918 919 920 921 922 923 924 925 926 927 928 929 930 931 932 933 934 935 936 937 938 939 940 941 942 943 944 945 946 947 948 949 950 951 952 953 954 955 956 957 958 959 960 961 962 963 964 965 966 967 968 969 970 971 972 973 974 975 976 977 978 979 980 981 982 983 984 985 986 987 988 989 990 991 992 993 994 995 996 997 998 999 1000 1001 1002 1003 1004 1005 1006 1007 1008 1009 1010 1011 1012 1013 1014 1015 1016 1017 1018 1019 1020 1021 1022 1023 1024 1025 1026 1027 1028 1029 1030 1031 1032 1033 1034 1035 1036 1037 1038 1039 1040 1041 1042 1043 1044 1045 1046 1047 1048 1049 1050 1051 1052 1053 1054 1055 1056 1057 1058 1059 1060 1061 1062 1063 1064 1065 1066 1067 1068 1069 1070 1071 1072 1073 1074 1075 1076 1077 1078 1079 1080 1081 1082 1083 1084 1085 1086 1087 1088 1089 1090 1091 1092 1093 1094 1095 1096 1097 1098 1099 1100 1101 1102 1103 1104 1105 1106 1107 1108 1109 1110 1111 1112 1113 1114 1115 1116 1117 1118 1119 1120 1121 1122 1123 1124 1125 1126 1127 1128 1129 1130 1131 1132 1133 1134 1135 1136 1137 1138 1139 1140 1141 1142 1143 1144 1145 1146 1147 1148 1149 1150 1151 1152 1153 1154 1155 1156 1157 1158 1159 1160 1161 1162 1163 1164 1165 1166 1167 1168 1169 1170 1171 1172 1173 1174 1175 1176 1177 1178 1179 1180 1181 1182 1183 1184 1185 1186 1187 1188 1189 1190 1191 1192 1193 1194 1195 1196 1197 1198 1199 1200 1201 1202 1203 1204 1205 1206 1207 1208 1209 1210 1211 1212 1213 1214 1215 1216 1217 1218 1219 1220 1221 1222 1223 1224 1225 1226 1227 1228 1229 1230 1231 1232 1233 1234 1235 1236 1237 1238 1239 1240 1241 1242 1243 1244 1245 1246 1247 1248 1249 1250 1251 1252 1253 1254 1255 1256 1257 1258 1259 1260 1261 1262 1263 1264 1265 1266 1267 1268 1269 1270 1271 1272 1273 1274 1275 1276 1277 1278 1279 1280 1281 1282 1283 1284 1285 1286 128

SERENISSIMO AC POTENTISSIMO  
DOMINO,

DN. JOHANNI  
GEORGIO II.

SAXONIÆ, JULIACI, CLI-  
VIÆ AC MONTIUM DUCI, SA-  
CRI ROMANI IMPERII ARCHIMAR-  
SCHALLO ET ELECTORI OCTOVIRO, LAND-  
GRAVIO THURINGIÆ, MARCHIONI MISNIÆ  
ET UTRIUSQUE LUSATIÆ, BURGGRAVIO  
MAGDEBURGENSI, COMITI DE MARGA ET  
RAVENSBERG, DYNASTÆ IN RA-  
VENSTEIN,

PRINCIPI OPTIMO, MAXI-  
OMO, PIO, FELICI, INCLYTO,  
LITE-

LITERARUM ATLANTI ET NUTRI-  
TIO BENIGNISSIMO, PRIMUM HUNC STU-  
DIORUM SUORUM ACADEMICORUM  
FOETUM,

*IN SUBJECTISSIMI CULTUS ET DURATURÆ  
SEMPER DEVOTIONIS FIDEM,*

PIA OBLATIONE  
SACRUM ESSE CUPIT

SERENITATI EJUS

AD HUMILLIMA OBSEQVIA  
PARATISSIMUS

Johannes Georgius Pflug.



Aud præter rem censuerunt nonnulli, omnem mali præsumtionem contra Principes & Imperantes exulare debere in animis subditorum, neq; fas esse his, ni in sacri legii crimen incidere velint, actiones illorum, præsertim futuras ad examen sui revocare iudicii. Solum quippe DEUM esse Principalium actionum moderatorem ac arbitrum, subditis obsequii gloriam relictam hæctenus, ut sibi religioni ducere debeant, abditos Principum sensus & siquid occultius parant, exquirere. TACITUS L. VI. Annal. Nihilominus tamen cum in maximâ illa fortunâ non minor sit licentia, experimento compertum est, eos, qui plus in Civitate possunt, quamvis boni atq; clementes, tamen, quia malis esse licet, ut plurimum formidari. SALUTUS de Republicâ ordinandâ. Addo & hoc, quod plurimorum animos sollicitos reddiderit in Historiis notatum Neronis quinquennium & jam olim licet peractus Galbæ Principatus, qui, si TACITO habenda fides, major privato visus, dum privatus erat & omnium consensu capax imperii, nisi imperasset, libr. I. Histor. Factum proinde ut subditi diritate tot exemplorum territi, circumspectius agere cavereq; experiri, ne licentiâ Principum in inviolatâ sua libertate, qua nil mortalibus unquam esse & carius documento licet & præiudicio. Quo bonis sed lecturis posceretur, cum Imperaturis sibi certis agere (vere Conventionibus, ad quas hi se obligarent jurato etiam, quò dictis major sit fides & ne sacramenti religione innexi, resiliendi ab iis licentiam temerè arriperent.



II. Hisce verò, quas diximus, Conventionibus  
plausibile neq; rei omnino disconveniens legum funda-  
mentalium nomē indidere Poliūci. Etsi enim pacta veriùs  
vocitentur, ob datam acceptamq; utrinq; fidem; nihilo-  
minus tamen cum iisdem, postquam in nudis mutui con-  
sensus terminis steterē, promulgatio superveniat, sit, ut  
hoc adminiculo ultimum quasi complementum & ali-  
quod legi analogon accipiant. Cum enim non civili ratio-  
ne, ut dictamen aliquod iussumq; superioris, sed naturali  
modo vigore initæ Conventionis vim obligatoriam nan-  
ciscantur, certè propria & genuina legum appellatio iis  
adoptari, aut, quod de legibus formaliter prædicatur, ad  
eas transferri haud potest. Neq; nobis negotium facescit,  
quòd ejusmodi Conventiones à Populo Principi propo-  
nantur, illum verò, ceu constituens, hoc tanquam consti-  
tuto superiorem esse, nonnulli contendunt. Nimirum  
fons hujus erroris inde profluxit, quòd Politicorum quidā  
Majestatem sibi duplicem sinxerint, Realem unam, alte-  
ram Personalem; Realemq; dixerint inhaerere Reipubli-  
cæ perpetuò, subjectumq; esse harum legum fundamen-  
talium; Personalem verò collatam esse in personam Im-  
perantis, cumq; eadem expirare. Cæterum quid alat mō-  
stri hæc Majestatis divisio, quantumq; involvat contradi-  
ctionis, antequam expedire aliis, quorum scrinia non com-  
pilamus. Unum ex omnibus laudasse sufficiat doctissimum  
ARNISÆUM, qui commentum hoc de populi in Principem  
superioritate validissimis argumentis dextrè confutavit  
libr. 1. de Majestat. c. 3. Cui & succenturiatur Pl. Rev. & ex-  
cellentissimus Dominus PRÆSES Pract. Philos. lib. 2. Sect.  
2. quæst. 1. Restat igitur in laxiori & minus proprio signifi-  
catu legum Appellationem hisce Conventionibus tribui:  
quam tamen, usum magis popularem secuti, iisdem relin-  
qvendam existimavimus.

III. Le-

III. Leges verò fundamentales qvi meruerint appellari, hæ ipsæ Conventiones, aut undè hanc appellationem traxerint, judicare in proclivi est. Nimirum cùm hisce pactiõibus, tanqvam basi ac fundamento, præsens nitatur Reipublicæ structura, ita ut illius statûs demtis hisce aut aliud accipiat schema, aut saltem circa regiminis modum qvoad strictiorem & laxiorem Imperantis potestatem immutetur, qvòd speciosius nomen illustriusvè iis potuisset imponi? Proindeq; à diversis modo dominandi leges modò jura regni & Reipublicæ aliisq; rei excellentiam præseferentibus titulis appellantur. Eleganter, sed nimis magnificè, de Legibus fundamentalibus sentiens REINKINGIUS *de regim. Secul. & Eccles. libr. 1. d. 2. c. 12. n. 16.* hisce, tanqvam arboris trunco & Spiritu quasi vitali, Reipublicæ nervos constituerit, ut idemq; Principem solvere idem esse, ac regnum, velut avellere, caput à membris avellere, & imperium, velut, pollundare. Non enim illicò, sublatiis legibus fundamentalibus, rota collabitur Respublica, aut, si Princeps inde estimatur, Imperio extrema adstruitur perniciēs. Neq; vobis velim affingi errorem, qvi multos hætenus decipit, quemq; jamdudum, ceu intolerabilem, alligat. *Varonius polit. c. 29. n. 49.*, nullam scilicet Civitatem aut Respublicam sine hisce legibus fundamentalibus subsistere posse. Regna enim, bello parta, (si quid liceat, ut quid clementia victoris quandoq; de jure suo renuntiare possimus) ita sese habent, ut in iis victor victis ad arbitrium suum imperet, cùm secundum illud Ariovisti *post. de bello Gallico*, jus belli ut sit, qvi vicissim ut qvovellent, qvemadmodum vellent, imperare. Hæc ergo regimus Imperia illa Despotica Turcarum, Tartarorum, Sinenſium &c. qvæ maximam partem has imperandi conditiones abhorrent, utpote in quibus arbitria

latria Principum pro legibus sunt, libidoq; quidvis, ut voluntas, suggerit, statuendi, hisce repagulis cohiberi se non patitur.

IV. Antequam autem arcem rei ingrediamur, removemus ab instituto nostro DEI & naturæ leges, quibus Princeps tametsi illimitatam habeat potestatem, & absolutissimo jure imperet, omnino subest, eò quod illarum ratione respectus Principis tollatur penitus, sola remaneat hominis conditio. Appositè in hanc rem SYMMACHUS PAPA: *Non licet, inquit, Imperatori vel cuiquam pietatem custodienti aliquid contra divina mandata, nec quicquam quod Evangelicis, Propheticis & Apostolicis regulis obviet, agere, c. l. dist. 10.* Quod etiam quadrat illud HORATII carm. lib. 3. od. 1.

*Regum timendorum in proprios greges*

*Reges in ipsos imperium est Jovis.*

Divinis autem naturales leges adjunximus, eò quod cum his æquè latè pateant, & non minus JC. o teste in L. 1. D. de just. & jur. divinà quadam providentiā sint constitutæ. Hinc juris istud naturalis præceptum, neminem scilicet cū alterius injuriā locupletari debere, æquè principem summumq; magistratus stringit, quàm alium quemlibet privatum, sicut & cætera, quæ indè deducuntur, dictamina, sive positiva illa fuerint, sive negativa.

V. Explodimus hinc commenticiam illam potestatis plenitudinem, quam multi tribuunt principi, in quibus nostro hæc ævo ferè agmen ducit SALMASIUS defensione regiā. Nec adversariam nobis constituit, quæ in facris paginis legitur de jure Regis, 1. Sam. 8. v. 11. & seqq. Agnos vestros, vineas & oliveta vestra optima accipiet ac dabit servis suis servosq; vestros & ancillas vestras & juvenes vestros præstantissimos & asinos vestros accipiet adhibebitq; ad opus suum. His n. verbis non tam jus & offici-

um re-



um regis, quàm usurpatio quædam sub juris specie describitur. Quæ mens est SCALIGERI lib. 1. Epist. 15. vel, quod propius veritati accedit, locus ille Samueliticus non de potestate principis ordinariâ, sed extraordinariâ, intelligendus est, quàm in casu necessitatis & publicæ utilitatis vi supereminentis dominii in personas & bona subditorum exercet, ita tamen, ut ei, cui res ablata, vel, qui damnum passus est, compensatio fiat ex communi: quâ de re videri metetur. GROTIUS de jur. pac. & bell. lib. 2. c. 14. n. 7. Idem censendum existimamus de gentium jure, cum id ex gentium, aut omnium, aut certè plurimarum voluntate vim obligandi acceperit.

VI. A legum quoque fundamentalium consortio abscindimus cautelas illas, quibus nonnunquam validioris alicujus in Republicâ potentia coercetur, qualis illa Atheniensium, quæ Ostracismo, seu temporali exilio, puniebat illos, quorum autoritas ad invidiâ usque excreverat. Qualis est illa, quæ sub Augusto cœpit, vigore cujus interdicebatur Senatoribus, absque indultu principali, Ægyptum ingredi, ne fame urgeret Italiam, quisque eam Provinciam claustraque terræ ac maris, levi licet præsidio, adversus ingentes exercitus insedisset. *TACITUS Annal. lib. 11.* Has & alias innumeras rectius arcana Dominationis & Rerum-publicarum, quàm leges fundamentales, vocaveris. Neque confundenda cum hisce Constitutiones illæ, publicum concernentes statum de Magistratum nimirum Creatione, Promotione, Ornatione, præmiorum & poenarum impositione, &c. quæ tamen videtur errasse errorem *Romanorum legum. Secul. & Eccles. l. 2. d. 2. c. 6.* ubi simpliciter, leges ex publico jure prodeuntes, fundamentales appellat. Præsupponimus enim, fundamenti loco, legum fundamentalium mutationem aliquam Republicæ quo-

quæ innovationem secum trahere. Supradictæ verò Leges, Jus publicum pro objecto unicè habentes, immutari possunt, salvo quoad cætera Reipublicæ statu. Sunt præterea memoratæ leges non minùs ac cæteræ positivæ & administratoriæ arbitrio Principis obnoxia; ita ut illas ferre iterumq; abrogare, usu ferente, possit, cum ista licentia circa leges fundamentales, aut condendas, aut abolendas; ipsi sit præcisa. Fundamentum igitur erroris est, quòd viderunt nonnulli, Leges Fundamentales ipsum publicum statum respicere: ex quo inferre conati sunt, omne respiciens publicum, legis fundamentalis rationem habere.

VII. Perruptis igitur hisce obstaculis, reliquum est, ut statuamus, quod res est, datâ legum fundamentalium congruâ quâdam definitione. Definitur autem lex fundamentalis, quòd sit *communis Civitatis, aut regni, totius de constitutione Reipublicæ SPONSIO*. Sponsionem autem diximus legem fundamentalem: quâ appellatione apud terfos bonosq; Autores omnis stipulatio promissioq; continetur, quibuscundq; tandem verbis illa concepta sit. Cum enim leges hæc à conventionione mutuâ inter Magistratum & subditos initium accipiant, & nos convenientia rebus vocabula inquirere studeamus, aptius certè nullum invenire potuimus. Quæ enim de legibus, propriè dictis, prædicantur, tanquam aliena à naturâ objecti nostri, datam definitionem ingredi non potuerunt. Lata enim Conventioniones has legesq; positivas intercedit differentia; illa siquidem à consensu & voluntate, ultrò citroq; conveniente, dependent, quæ non facit legem, sed ad quam constituendam aliud quid superveniat necesse est, jussu nimirum Majestatis. Quin imò hæc conventiones non civili ratione Legum Positivarum ad instar obligant, sed per modum mutæ cujusdam conventionis. Definitionem,  
aut

aut potius descriptionem DEMOSTHENIS & PARINIANI  
JCTI, quibus & lex propriè dicta communis Reipublicæ  
Sponsio audit, *L. 1. & 2. D. de LL.* non moramur. Latè e-  
nim nimis evagatur illa & à proprietate definiti sui lon-  
gissimè recedit.

VIII. Causa efficiens harum legum earundemq; Au-  
tor non unus aliquis est unave Reipublicæ pars; siquidem  
hoc naturæ earum oppidò repugnaret. Conventiones e-  
nim cum sint & pacta, fieri certè nequit, ut unus, sive per-  
sonæ, sive partis, placito absolvantur. Magistratum itaq;  
summum, conjunctim cum subditis, præprimis mixtis, in  
partem curarum & jurium Majestatis assumtis, has leges  
condere posse in proparulo est. Mixtorum subditorum  
præcipuam eò facio mentionem, non ob id, quòd statu-  
am, in mixtis tantùm Rebuspublicis, non in simplicibus  
quoq; locum sibi vindicare has leges fundamentales; sed  
quòd in illis potissimum vigeant, suamq; vim exerceant.  
Exemplo sit antiqua Spartanorum Respublica, quæ ex di-  
versis Rerumpublicarum formis concrevit. In hac certè  
Reges & Senatus, secundum leges fundamentales, impe-  
rare coacti, sibi ultrò harum Præscriptum arrogare nil po-  
terāt, adeò, ut omne regnum, in quo secundum legum te-  
nore m imperitatur, *ARISTOTELES 3. Polit. c. 10.* figuratè vo-  
cet Laconicum. Non dissimilis est Respublica Polono-  
rum, quæ dubiò procul mixta ex prædominante Aristocra-  
tiâ & diminutâ Monarchiâ coaluit; in quâ itidem legibus  
fundamentalibus in tantum adstrictus est Rex, ut jurer, et-  
iam additâ clausulâ, integrum fore subditis, si unam harū  
violaverit, à data sibi fide recedere, prout passim ex CRO-  
MERO de rebus Polonicis patet; qui & libr. 22. notat, CAST-  
MIRUM III. ægrè potuisse adduci, ut hoc juramentum præ-  
staret, quòd in illo totam regiam Majestatem periclitari  
cerneret.

Germania certe nostra uti liberatis, à multis abhinc  
seculis, fuit tenacissima: ita, TACITO *resse libr. de mor.*  
*German.*, Regum infinitam ac liberam potestatem nun-  
quam perpeſſa est. Quin potius illos, quos sibi electione  
sumſerat Principes & Duces, autoritate magis ſuadendi,  
quàm jubendi potestate Comitibus interfuiſſe, ſæpiusq; ſi  
diſplicuerat ſententia, fremitu aſpernatos, idem graviſſi-  
mus Autor citato loco aſſerit. c. 3. & 6. Quam ſemel acce-  
ptam à majoribus libertatem nec hodiè ſibi extorqueri  
patiuntur Germani, cumq; plurima Europæ regna ſucceſ-  
ſione accipiant Reges; Germanorum Imperatores ad fa-  
ſtigium hujus dignitatis non naſcendi ſors, aut ſanguinis  
conjunctio, ſed libera Electorum ſuffragia provehunt.  
Horum tamen potentia non nimis laxant frena, quos  
STATUS, vel Ordines, vulgò vocant, neq; iisdem ſupremam  
circa Reipublicæ diſpoſitionem permittunt arbitrium, ſed  
& ipſi veniunt ad partes & Majeſtatem ſecum communi-  
catam vocant. Nulla igitur eſt Reſpublica, in quâ ſanctior  
habeatur legum fundamentalium Autoritas, aut in quâ  
illæ majori religione cuſtodiantur, quàm hæc noſtra Ger-  
manica: quod & agnovit, de Aureâ Bullâ diſſerens, JAC.  
AUG. THUANUS *lib. 2. Hiſtoriar.* Sunt autem leges funda-  
mentales Imperii noſtri Romano-Germanici præcipuæ,  
quæ in Aureâ Bulla, Conſtitutione Pacis religioſæ, Impe-  
ratorum Capitulationibus & nuperâ Tranſactione Pacis  
Monafterienſis & Oſnabrugeniſis continentur.

X. Aurea Bulla undè nomen acceperit, pugnantibus  
Politicoꝝ & Juris publici Doctozum opinionibus diſ-  
quiritur. Nonnulli ab objecto eam denominatam exi-  
ſtimant, quòd reſ aureas, Sanctiones nimirum Imperii ſta-  
tum concernentes, contineat. Nonnulli à Sigillo Impera-  
toris, quod vulgò Bullam vocant, propterea quòd Carolus

IV. cum



IV. cùm eam anno 1556. Norimbergæ in Comitibus, adhibitis in consilium Imperii Proceribus, propalaret, & Bullam, seu sigillum aureum, eidem appendi fecerit, majoris fortè dignitatis & autoritatis causâ: quòd & verius existimamus. Quicquid tamen ejus sit, constat, Auream Bullam esse salutarem Imperii & Imperatoris sanctionem, leges ejusdem fundamentales continentem. Capitulationes verò inde nomen sortitæ sunt, quòd iisdem certa, capita ac conditiones de Republicâ Romanâ utiliter pro more majorum & secundum leges fundamentales administranda electo Imperatore proponantur, quas, antequam confirmetur, se servaturum Jurisjurando promittit. *Vide REINKING de Reg. l. 1. c. 13. l. 9. b. l.*

XI. Constitutio pacis religiosæ lucem vidit, cùm omnia discordiis civilibus ex Religionis causâ natis infesta, Ferdinandus I. tunc temporis Rex Romanorum nomine fratris sui Caroli V. ad tranquilliorum statum reduceret. Factum id in Comitibus Augustanis Anno 1555. optimiqve Imperatoris placitis divina favit clementia, ut hæc Pacificatio religiosa Sanctione Imperatoris & Imperii firmata in Legem Fundamentalem Reipublicæ nostræ Romano-Germanicæ transiret. Cautum verò prælaudatâ Pacis religiosæ constitutione, ut nemo Catholicorum, aut Evangelicorum, alterutrius Religionis prætextu nec in vitâ, nec in honore bonisvè prægravari debeat; sed ut utriusq; Religionis Socii omnis coactionis & violentiæ expertes publicâ Imperii protectione conscientiarumq; Libertate fruerentur. Vide Recessum Imperii de anno M D LV.

XII. Pontificii quidem Scriptores, quò magis Palladium hoc nobis eripiant, vi extortam esse hanc pacem religiosam, dein per Concilium Tridentinum sublatam, plenè clamitant buccis. Caterùm assertum hoc quàm fragili

gili nitatur fundamento, ipsa rei veritas Historicorumque probatorum fides jamdudum evictum dedit, ut in re adeò luculentà magnoperè laborandum non sit. Fidem suam hic imprimis nobis commendant SLEIDANUS *Comment. de statu Religion. libr. 24. & 25.* Hoc palmarium est, quod ogganniunt nobis Adversarii, Carolum V. à Mauritio Saxonix Electore, bello petatum, in hanc pacificationem ut consentiret, vi armatà coactum fuisse, ea verò, quæ vi metuq; geruntur, nullius esse momenti. Cæterum quàm parum habeat veritatis hoc, istorum exemplorum gesta edocent, quibus Caroli V. potentia adeò non imminuta fuit, ut potius adversus acceptas nonnullas clades validior semper magisq; tremenda extiterit. Taceo elogium Carolo V. ab ævi istius Scriptoribus, cum præprimis à THUANO tributum, Carolum nimirum heroici omninò & infracti fuisse animi, ut peccare videatur in virtutes gloriosissimi Imperatoris, qui meticulosi quid de eo præsumere velit. Et posito, metu inductum fuisse Carolum V. allegatus tamen metus post tot annorum decursum multoties fuit purgatus, insecutà nimirum Confirmatione laudatissimorum Successorum Maximiliani I. & II. Rudolphi II. & qui hos in regimine exceperunt. Quà de re legendus LIMNÆUS *de jur. publ. Tom. I. l. c. 13.*

XIII. Deniq; quod attinet nuperam Transactionem Pacis Monasteriensem & Osnabrugensem, animus meminisse horret turbarum & motuum, quos nostra per triginta annos vidit atas. Collisis nimirum inter se Germanix viribus Statibusq; Imperii in factiones scissis, haud multū aberat à ruinà dulcissima mater Germania; auxiliq; malum, quod exterar quoq; Nationes præprimis Galli & Sveci atq; adeò universus ferè Europæus orbis huic bello implicarentur. Sed in medio Matris furoe misertus patriæ nostræ

noſtræ DEUS Optimus Maximus deſideratam hanc omnium votis clementiſſimè indulſit pacem, effecitq; ut partes, inter ſe diſſidentes, poſitis armis, ad amicabilem transactionem & mutuam Concordiam redigerentur. Hujus transactionis capita nobis exhibet INSTRUMENTUM Pacis Oſiabrugenſis.

XIV. Nunc redeundum eſt, undè nos narratio illorum, quæ Imperii noſtri ſtatum tangunt, abduxerat. Dixeramus nimirum antea non tantum in mixtis, verum & ſimplicibus Rebus publicis pureq; Monarchicis locum ſibi vindicare leges fundamentales, idq; hæc præter rationem, aſſeruiſſe nos arbitramur. Ad illas enim cum per modum contractus, ſeu Conventionis ſe obliget ſummus princeps, non poteſt non iis teneri: præprimis cum juriſ naturalis ſit, ea, quæ mutuo conſenſu placuerunt, cuſtodire, dicente *ULPIANO L. 1. D. de Pact.* Legum autem naturalium vinculis quis Principem eximere velit? Et non omnes hæc conventiones, quæ legum fundamentaliū nomine veniunt, Regiam Majestatem abſorbent; ſed ille tantum, quæ in jura majestatis involant, eaq; cum ordinibus partuntur. Sic Pacificatio religioſa citra dubium lex fundamentalis Imperii noſtri eſt, quam & Imperator ſanctam intemeratamq; ſe ſervaturum jurejurando promittit. Illa tamen, niſi & alia forent, parum detraheret Imperatoriæ Majestati, & ſic in ſimilibus cenſendum exiſtimamus. Nam ſi priuſ ſtatuendum eſſet, nulla inter cultiores moratioresq; populos daretur ſimplex Monarchia, ſed illa in ſolo tantum barbarico, inter Turcas, Tartaros, Æthiopaſq; querenda foret.

XV. Exiſtimat quidem CLAPMARIUS de arcanis Rerum publicar. *libr. 5. c. 20.* non facile puram putam & ſimplicem Rem publicam reperiri; quod ſi forte nudè & ſim.

Amplius prolatum fuit, calculum nostrum mereri ne-  
quirit. Potior apud nos est autoritas *HUGONIS GROTII de jur.  
Pac. & bell. lib. 1. c. 3. n. 16.* non desinere, inqvientis sum-  
mum esse imperium, etiamsi is, qui imperaturus est, pro-  
mittat aliqua subditis etiam talia, quæ ad Imperii ratio-  
nem pertineant. Non igitur omnia Imperia sub conditio-  
ne aliquâ, aut certâ lege data, statim proinde mixta exi-  
stunt, neq; omnia juramenta, quæ Principes ad leges Rei-  
publicæ obligant, jura quovq; immuniunt Majestatis & ut  
TACITUS loquitur, vim principatus resolvunt, ut bene no-  
biscum concludit doctissimus *BESOLDUS 1. Politic. c. 8. §. 5.*  
Conditiones enim illæ, quæ ut plurimum Capitulationum  
tenor exhibet, summam Majestatem limitant, non tol-  
lunt, premunt, non opprimunt.

XVI. Apud Persas certè, quos velut ceteros Orientis  
populos LIVIUS genera hominum servituti nata, appellat,  
Rex velut terrestre quoddam Numen adorabatur, ejusq; ve-  
persona sub specie Majestatis procul subditorum oculis in  
secessu perpetuo latebat. JUSTINUS *lib. 1. Hist. c. 9.* Nihilomi-  
nus tamen jurabat, cum regnum adiret, & ad multorum  
observantiam erat obligatus, quod & de Egyptiorum re-  
gibus ex PLATARCHO & DIODORO SICULO annotavit supra lau-  
datus GROTIUS cit. loc. Hebræorum regnum quale quidem  
tunc temporis erat, haud dubiè erat Monarchicum, prout  
id passim ex libris SAMUELIS REGUM & CHRONICORUM ap-  
paret, Conventionibus tamen quibusdam alligatam fuisse  
regiam Majestatem, diffiteri nemo poterit, cum satis  
constet, non exiguam fuisse magni illius Synedrii potesta-  
tem, aded ut judicia nonnulla absq; interventu Regis so-  
lum exercuerit. Vid. *CANÆUS de Republ. Hebræor. l. 1. c. 13.*  
Regis Galliarum summam potestatem nemo in dubium  
vocavit, præter HOTTPMANNUM, libro de Francio-Gallia,  
cujus



quæ tamen assertis nullus Politicorum huc usq; adstri-  
ctus est. Ex aduerso omnes communi consensu sine-  
ram in regno Gallie & nullo temperamento inquinatam  
Monarchiam cum BODINO *L. 1. c. 10.* agnoscunt: Cum  
Rex in eodem omnia regalia sibi integra reserva-  
verit, non concesserit nisi precaria & summa suæ Jurisdi-  
ctioni obnoxia. Nihilominus tamen si LIMNEO habèn-  
tibus eadem fides, de jur. publ. *lib. 1. c. 12. n. 17.* antequam inau-  
guretur in certa jurata capitula, Ut taceam legem Salicam  
quam regni Gallici firmissimum fundamentum BODINUS  
appellat primo de *Republ. c. 8.* à rege aboleri & subverti  
non posse, qui & *lib. 6. c. 5. p. 1149.* plures leges fundamen-  
tales regni Gallici recenset, Impresensiarum allegasse suffi-  
ciat hanc, quod de Coronæ adiutis nihil aliendo disjun-  
gere possit Rex, Vid. BESOLDUS *1. Polit. c. 8. §. 5.*

XVII. Illud certè fatendum in arctiorem quodam-  
modo cogi gyrum & constringi magis Regis potestas est  
ubi per modum conventionis subditis suis quædam publi-  
cum regimen concernentia pollicetur. Sed hoc pacto  
salvâ re ipsâ modus saltem habendi immutatur diversus-  
que constituitur. Ut probè monet GROTIUS de *jur. pac. &  
bell. lib. 1. c. 1. n. 16.* Conditio enim & modus qualitates sunt  
ipsi rei extrinsecus accedentes quæ licet illam afficiant &  
alterent, substantiam tamen ejus evertere nequeunt. In-  
geniosum proorsus simile est LUXU & quo prædictorum ve-  
ritatem illustraturus utitur *lib. 1. de jur. publ. c. 12. n. 3.* quem-  
admodum, inquit, candela vitæ rex inclusa capsulæ æque ac  
si extra eandem posita lumen spargit suum, & hoc modo  
conservatur ne ventis hinc inde exposita extingvatur aut  
diffuset: Ita Majestatis splendor circumstante, at non ob-  
stante capitulationis fabrica lucidus apparet, minus tamen  
hæc ipsæ, ne favoriùs adulationum ventis admissis

prona licentia pereat&summam deniq; patiatur Eclipsin.

XIIX. Leges verò fundamentales aliæ concernunt religionem, aliæ Reipublicæ constitutionem & administrationem, siue aliæ sunt Ecclesiasticæ aliæ Politicæ. In omni republicâ primum est curatio rerum divinarum sacrorumq; *ARISTOTELES 6. Polit. c. 8.* ejusdemq; custodiâ summi Magistratus nihil prius habeant, aut antiquius, cum illa totius societatis civilis sit fundamentum, sine quo, aut certè ejus aliquâ specie nulla unquam stetit respublica, prorsus ut verissima sint quæ habet *SENECA* in *Thyeste*,

*ubi non est pudor*

*nec cura juris sanctitas, pietas, fides,  
instabile regnum est.*

Neq; nos ad eò injurii sumus in summas Majestates, ut potestatem circa sacra quoq; & religionē iisdem invidemus. Sunt n. illæ non tantum secundæ, verum & primæ tabulæ custodes adeò ut diminui Majestatem per ademptionem juris hujus velut ex tripode dicat *ALBERICUS GENTILIS in diss. de pot. reg. absol.* ubi de Hispaniarum Galliarumq; regis potestate differit. Agnovère id ipsum paganismo imbuti principes, dum in suâ personâ & regiam potestatem & pontificalem dignitatem conjunctam voluerunt, prout hoc exempla Numæ Pompilii Cæsaris aliorumq; testantur. Quin & planum hoc evadit ex inscriptionibus illis luculentis, quibus Cæsares Romani non tantum Imperatorum, verum & Pontificorum Maximorum titulis præfulsere, quem & morem ad Gratianum usque Imperatorem, qui edicto vetuit se Pontificem maximum appellari, perdurasse notat *Zosimus lib. 4.* Nihil dicam de Conciliis ab Imperatoribus Christianis coactis moderatisq;, à Constantino scilicet, Theodosiis, Martino, Justiniano, Carolo M. Ottonibus &c. usq; dum ingravesceus Pontificum

ficum superbia exclusis secularibus principibus hoc jus in se tantum transcripsit.

XIX. Quæ cum ita sint eò nitendum præcipue facies in Republicâ tenenti, ut una in eadem vigeat religio, & ut summi Numinis cultus quâ patet ejus Jurisdictio idem prorsus sit. Sicut enim nihil magis connectit animos subditorum, eosq; in unum coalescere facit, quàm unitas Religionis. Ita ex adverso hæresi nihil ad seditiones eiendas interitumq; Reipublicæ procurandû efficacius. Venum enim verò cum hoc vix sperare liceat, præsertim in magnis Rebus publicis quas ob amplitudinem suam, citius dissensionum circa divina, cacœthes invadit, condonandum aliquid necessitati, quàm nemo hætenus contrariando superare potuit. Caveant igitur sibi Principes præcipue quos legum fundamentalium tenor eò adstringit ne insultent conscientiis civium suorum, certò persvasi nihil magis voluntarium esse quàm religionem omnesq; hætenus operam lusisse qui tale quid moliti fuerunt. Omnes enim ut ait CICERO in *Verrem Act.* 6. religione moventur & Deos patrios, quos à majoribus acceperunt colendos sibi diligenter arbitrantur. Et dignum principe, effatum Stephani Bathorei Polanorum Regis, *tria sibi reservasse Deum, innuentis, ex nihilo aliquid creare, futura malle, & dominari conscientiis.* Et in Germaniâ nostrâ huic rei optimè provisum, sancita pacificatione religiosa, quâ legem Imperii nostri fundamentalem firmissimumq; illius uniuersum esse supra diximus.

XX. Leges verò fundamentales, Politicum Statum concernentes, quod spectat, variis ista super Rebus conceperunt, nec istas cum variis & infiniti propemodum sint casus circa regimenulare obvenientes, brevi chartâ complecti licet. *Præcipue tamen ista aut modum, per-*

veniendi ad supremum fastigium, respiciunt, quatenus ille ad certam familiam, gentem, sexum ab aliisqve conditiones est restrictus: aut ipsam iam deferendi aut delati regiminis administrationem. Priorum censui adnumeranda famosa illa Aurea Bullæ capitula, quibus de potenti aliquo eodemq; principe aut Comite ad Imperialis Majestatis culmen provehendo cavetur. Celebris quoque hoc nomine in Galliâ est supra memorata Lex Salica, *cujus vigore le sceptre ne tombe jamais entre les mains des femmes*, h. e. *scepterum nunquam cadit in manus femininas*. De cujus Legis etymo cum non conveniat inter eruditos consulendus ante omnes est *Isacius Pontanus lib. 2. orig. Francic. c. ult.* Illud certè constat, dictam legem etiamnum in Galliâ pro perpetuo regni illius firmamento haberi, semperq; intemeratam hæctenus substituisse, licet superioribus sæculis eam impugnaverint Angli, eo nimirum tempore quo Carolus pulcher, sine prole masculâ, decedens, locum fecerat, Philippo Valesioqve pares Franciæ elegerant, excluso Eduardo Anglo qui in coronam Gallicam, ob id, quod esset Caroli sororis Isabellæ filius, jus aliquod prætendebat, quâ de controversiâ deqve bello inter Gallos & Anglos mox insecuto, Videatur *FRONSARDUS*.

XXI. Circa administrationem ipsam regiminis potissimum sese vis legum fundamentalium exerit, præprimis in mixto temperatoq; Statu, ubi una pars, citra alteram jura invicem divisa, & quæ alterutri parti reservata non sunt, exercere nequit. Dividi enim jura Majestatis pluresq; Reipublicæ formas in unam mixtam coalescere posse contra *BODINUM* de Republ. *lib. 2. c. 1.* firmiter sentimus. Nolumus tamen hic modum gubernandi cum ipso reipublicæ statu confundi: & putamus cum Principe



ex suo placito Senatū ex Proceribus conscribit & consensum exquiri subditorum, item cum acta sua non vult esse rata, nihil Senato, aut ab alio quodam coetu approbentur, haud quāquam partitionem fieri Majestatis. Hoc pacto enim jura Majestatis non communicantur, & quæ acta sic rescinduntur, intelligi debent rescindi regis ipsius Imperio, qui eo modo sibi cavere voluit, ne quid fallaciter & ut vulgò loquuntur sub & obreptitiè impetratum pro verâ ipsius voluntate habeatur; ut eleganter docet GROTIUS *de jur. pac. & bell. lib. 1. c. 3. n. 18.* Porro & circa privilegia tum meris tum mixtis, quos Ordines vocant, subditis, comperentia, vigor legum fundamentalium potissimum cerni potest, quorum illi admodum tenaces sunt, adeò, ut sub auspiciis novi regiminis illas potius extensas, quàm diminutas veliet. Imò & si in minimo iis præjudicatum fuerit, protinus abjecto rectoris sui respectu, non rarò ad rebellandi tumultuandiq; libidinem prosiliant. Factum indè, ut haud præter rem *TRAJANUS BOCCALINI* ex accidenti colligens immunitates, Prærogativas, privilegia, fontem rebellionum, semen Zizaniarum, lapidem scandali appellaverit.

XXII. Formam hæc legibus fundamentalibus tribuit quòd plerumq; in publicis Comitiiis sanciri soleant, interveniente Procerum, vel totius populi, aut certe hujus delegatorum & imperantium consensu. Patet hoc siubi consideraverimus, quòd quò plus defertur publicis comitiis, eò major quoq; harum legum sit autoritas: & contrà, quò rariùs publica comitia frequentantur, eò minus quoq; dictæ leges locum sibi vendicent. Testatur id Germania nostra & Poloniarum regnum, in quibus comitiis habendis nec finis propetmodum, nec modus, omnibus majoris momenti negotiis in illa rejici solitis. Exad-

verso in Republicâ Romanâ licet olim comitiorum jura-  
penespopulum extiterint, principes tamen illa populo  
excluso sensum ad se traxere, solâ quâdam illorum imagine  
Senatui relicta. *TACITUS l. Annal. c. 7.* Undè cum in iisdem  
omnia ad unius principis arbitrium revocabantur, eve-  
niebat, ut hoc rerum statu non de legibus fundamentali-  
bus aut principum potestate constringenda, sed potius  
amplianda agitaretur. In Galliâ quoque licet olim liber  
comitiorum usus viguerit; tamen ex quo tempore stirps  
Hugonis Capeti rerum posita est, exolescere ille valdeque  
opprimi cœpit, quo de jam suo tempore conquestus est  
prudentissimus rerum Gallicarum scriptor *PHILIPPUS  
COMINÆUS lib. 3.* commemor. Unde fit, ut hodiè minus  
frequentata diatarum solemnitate per exiguus (aliqua-  
lem enim adhuc superesse arbitramur) legum fundamen-  
taliū in Galliâ sit usus.

XXIII. Huc quoque facit, quòd legibus fundamen-  
tali- bus sancitis in majorem cautelam & securitatem ut pluri-  
mum juramentum à parte imperantium interponi soleat.  
Licet enim quòd sint tales, Conventioni unicè imputan-  
dum sit, cui naturaliter quivivis, etiam ipse princeps stare te-  
netur. Et licet aliàs nudæ assertiones principum & prom-  
issiones etiam injuratæ juramentis æquipolleant; lubrica  
tamen quandoque & horum fides & enata inde subditorum  
diffidentia jurandi necessitatem extorsisse videtur. Et tale  
juramentum immensam principis & imperantiū poten-  
tiam, ne licentiæ ventis se abripi patiantur, constringit &  
coarctat. Aliud dixerim si quando princeps ad rectam sal-  
tem reipublicæ administrationem (veluti quod nihil de  
coronæ unitis alienare velit) vel ad legum naturalium &  
divinarum observantiam juratò se obstringat, qualia jura-  
menta etiam in absolutissimo regimine locum inveniunt  
& mo-

& monarchico axiomati laud quicquam decerpunt. Sic Imperatorem Trajanum jurasse *PLINIUS* nos edocet in luculentissimo suo Panegyrico, optimo Imperatori dictor. Imperator enim, inquit & Cæsar Augustus pontifex maximus stetit ad gremiū Consulis seditq; consul principe ante se stante & sedit inturbatus, interritus & tanquam ita fieri soleret. Quin etiam sedens præbuit iusjurandū & ille iuravit, expressit, explanavitq; verba quibus caput suum domū suam si scienter sefellisset, deorum iræ consecraret.

XXIV. Cæterum quemadmodum omnis conventio, inter quoscunq; in ita licet non semper jure civili Romanorū, ac certè jure naturali & gentium obligationem primum, de in actionē parit : ita & publicæ hæ conventiones quas leges fundamentales diximus, non dissimilem à prioribus sortiuntur effectum. Porro quemadmodū à pactis conventis si una pars discedat, nec altera placita adimplere cogitur. Parili ratione si conclamata res sit malumq;, omnem respuat in edelam & subditis integrum fore arbitramur, datam imperantibus fidem convellere, aliudq; circumspicere præfidiū etiam quod in armis positum sit. Ac licet aliàs à subditis principibus jure resisti non possit ex receptā *TACITI* sententiā qui bonos principes optandos, qualescunq; non aliter ac sterilitatem & nimios Imbres cæteraq; naturæ mala, tolerandos suadet *lib. 4. Histor.*; id tamen si nudè & illimitatè accipiatur, censuram nostrā subterfugere nequit. Constat quippè diversas esse rerum publicarum formas Inq; nonnullis cum absoluta esse potestate Imperantes; in nonnullis cum restrictiori paulò & certis conditionibus alligata : priori regiminis formæ accommodaverim ego istud *TACITI* monitum, ratus nec magistratibus inferioribus licere principi exorbitanti vim contrariam opponere. Nam illi respectu principis æquè sub-

subditi sunt ac privati, licet respectu inferiorum publicâ quâdam autoritate præfulgeant. Haud secus ac in Dialecticis species intermedia si genus respiciat est species; si verò speciem infra positam, genus. Quod autem concernit Rempublicam, in quâ sub certis conditionibus & secundum leges fundamentales imperatur & in qua Rex habet partem imperii partem populus aut senatus, aliud omnino sentiendum, ob conventionem illam quæ subditis quoque jus quæsitum tribuit efficitque ut regi in partem non suam involanti vis iusta opponi possit. GROTIUS *de jur. pac. & bell.* l. i. c. 4. n. 13.

XXV. Non tamen promiscua licentia, cui libet ex subditis, in principem aliosve Imperantes fidei datæ temeratores insurgere licet. Privatis enim jus armorum interdictum esse, CICERO testatur pro Milone, & edicto prohibitorio asseverant Imp. in *Lunicâ C. ut armor. us. inf. princ.* ideoque si quid iniquius quàm deceret ab imperantibus patratum sit, divinæ committant ultioni; turbis & machinationibus, quibus Reipublicæ quies sollicitatur, prorsus abstineant. Ordines certè, quos mixtos, alioquin subditos vocari supra diximus, jure optimo sibi potestatem vendicant exitiosos in publicum imperantium conatus reprimendi providendique ne quid Respublica detrimenti capiat: quod in antiquissimâ Spartanorum Republicâ ab Ephoris aliquoties factitatum legimus, quorum tanta erat potestas, ut & Reges, qui indignum quid officio suo patravissent, non modo deponere, verum & capitali supplicio (quod Agidi & Pausaniæ contigit) afficere potuerint, teste PLUTARCHO, & NEPOTE in *vita Agidis & Pausaniæ*. Non enim hi mero subditorum jure censendi, neque, quæ de Magistratibus propriè dictis aliàs dicuntur, his applicanda sunt, cum jurisdictionem precariam & pro lubitu revocabilem à principem non acceperint; sed & ipsi quoque partem Majestatis in suâ



suâ personâ radicatam habeant. In puris etiam Monarchiis subditi pactionati, sive qui certis conditionibus Imperium principis subire, eorundemq; nomine Ephori illos representantes opponere se principi, contra fidem datam quid machinanti, poterunt. In talibus enim regnis subditi cum Imperante tacite pepigisse censentur, ut certo eventu ipsi resisti possit; quo casu resistantiam in subditis non improbandam, docet GROTIUS, *de jur. p. 16. & bell. lib. 1. c. 4. n. 13.*

XXVI. Sed cautos hoc rerû statû decet esse ordines, nec præcipientes & cæco quasi impetu ruere in defensionem jurium suorum; sed omnia prius tentanda, quàm ad extrema deveniatur, ne ipso morbo remedia sint periculosa. In rem igitur fuerit salutemq; publicam, ut Ephori, seu primores Reipublicæ, conciliû indicent, & generalem omnium Ordinum conventum cogant, inque eodem facta tyrannica unius, sive plurium, pro modo regiminis examinanda & discutienda proponant; vel si Ephori nulli sint, ad hoc ipsum Judices & defensores publici à populo constituantur, *BODINUS de Republ. lib. 2. c. 5.* Si verò obfirmata sit imperantium malitia, ita ut horû animi emolliri & ad mitiora consilia traduci nequeant, quid vetabit, ea, quæ & brutis animantibus jus naturale suggerit, exequi vimq; intentatam vi contraria repellere. Non improbandum ergo Belgarum factum, quod libertatem suam luculentissimis privilegiis (de quibus vide *METERANUM lib. 14. fol. 574.*) subnixam, contra regum Hispanorum insultus, vim vi opponendo, masculè asseruerint.

XXVII. Visis jam legum fundamentalium consentaneis, nunc dissidentanea quoque in medium adducenda sunt, in quibus se nobis offerunt illarum præcipuè mutatio & abrogatio. Non disputabimus autem jam, utrum conducatur, legem semel latam abolere, cum ante nos dudum alii has occupaverint partes. Videat, cui volupe est, *BODINUM de Republ. lib. 4. c. 3.* Impresensiarum quod leges fundamentales concernit, castigandus est error eorû, qui has perpetuas volunt, inò ne mutari quidem posse contendunt, cum circa eas posterorum quoque vertatur præjudiciû, iisq;

ut plurimum clausula, quod in perpetuum valitura sint, subnectatur. Nimis enim frigidè sentiunt, quorum animis hæc incessit opinio, vapulantq; CICERONI, qui *lib. 1. de legibus*, hanc maximam politicis & Rerum publicarum Rectoribus subinde inculcat: SALUS POPULI SUPREMA LEX ESTO. Unde nobis positum hoc pro indubitato est, posse quandoq; si usus Reipublicæ ferat, has leges fundamentales mutari & aboleri, adeo ut clausula, de iisdem non mutandis, vel de valore illarum perpetuo intelligi semper debeat, rebus sic stantibus, & nisi utilitas Reipublicæ aliud exegerit. Posterorum hic res nequaquam agitur, sed præsentium; ideoq; si his expediat mutatio aliqua circa statum Reipublicæ, aut modum regiminis, non habebunt illi, de quo conqueri possint, cum nullum incommodum sentiant.

XXIIX. Tenendum tamen, quod ad illas abolendas aut immutandas, non unius in Republicâ, sed & alterius partis consensus desideretur, eod quod illæ, sicut ab unius placitis non dependent, ita nec unius partis dissensu annihilari possint. Nihil enim magis naturale, quam unum quodq; eodem vinculo dissolvi, quo colligatum est. Facile igitur decidi potest agitata inter juris publici Doctores quaestio, an Imperator Auream Bullam abrogare possit, ut tædiosum sit in re tam expeditâ prolixitatem sectari. Et licet aliàs in conficiendis Reipublicæ negotiis votorum pluralitas vincat, & consensus majoris partis habeatur pro consensu omnium; id tamen in legibus fundamentalibus abolendis mutandisve, in quo singulorum præjudicium vertitur, affirmare veremur: præprimis in iis, quæ religionis causam concernunt. Sicq; pax religiosa in imperio nostro votorum pluralitate tolli nequit, cum inibi universi, ut singuli, jus obtendere possint quaesitum, monente

*BESOLD. l. 1. politic. c. 2. n. 4.*

---

**N**OBILIS arte magis quam Stemmata clarus habetur,  
Fortius at vinculum, studium si Stemmata jungas.

*Nobilissimo Dno. Respondenti & indolem generosam &  
studiorum assiduitatem publicè exerenti profferri-  
mor quos via successus precatur.*

Werner - Theodorus Martini, J. U. D. P. P.  
Consil. Elect. Sax. & Consil. Eccl. Adsef.

---

*Ad Nobilissimum Respondentem, Fautorem, atq; Amicum honorandum.*

**N**obilis es magnus, Regum de Stemmata natus,  
Quos Primislaum progenuisse ferunt,

Omní.

Omnibus hunc ortum nobis Insignia, monstrant,  
Jactitat æternum quæ tua magna Domus.  
Major ac evades, quia Musas promptus honoras,  
Et discis, Reges quæ didicere viri.  
Indè gubernabis Regum de sanguine cretos;  
Atque iterum Regis nomen habere potes.

Michael Wendelerus, D. & P. P.

IN DISSERTATIONEM POLITICAM  
NOBILISSIMI DNI PFLUGII

**E**Oa indomitis assuevit Persia sceptris  
Incubuitque Syris Regius ille tumor:  
Nec dispar regni species fastusque, propinqua  
Quæ Sol Æthiopas tingit aditque, face.  
Scilicet Australigens nata sub ære, duro  
Barbara non renuit subdere colla iugo.  
Hoc mirum, quod idem subiit Mavortia Roma  
Fatum, & quod potuit dememinisse sui.  
Vernili obsequio libertas cessavit,  
Succubuitque uni totius orbis opus.  
Ille suis pedibus veneranda repagula legum  
Calcat, & arbitrio pervia cuncta suo:  
Elingvis tumidos expectat Curia iussus,  
Et fora civili tincta cruore madent.  
Nil moris prisca superest, invisa recedit  
Virtus & summum, gloria magna, nefas.  
Sed magè felici lustratur sidere tellus  
Teutona, crudeli non moderata manu,  
Non ea fastidit trabeas fascisque, supremos;  
Ne tamen excedant, præcaveat illa modum.  
Monstrat id inpræsens generosi pagina PFLUGII,  
Qui mox Doctorum candida puncta feret.  
Sic est, mens agilis tractat sibi congrua, vulgo  
Quisquiliæ tantum & quod triviale, placet.

*Auctori & Contubernali suo*

*Imq; adpos.*

Philippus Adolphus Schmid.


**Q**uod fundamento caret, id durable non est,  
Mole ruit facili, quicquid & illuderit,

Sive domus fuerit, vel planta, vel arbor amica,  
Sive etiam florens publica res fuerit.  
Egregiè floret varius flos tempore verno,  
Sed fundamento, dum caret, ipse perit  
Sic licet egregiè res publica floreat, aiget,  
Dum fundamentum corrui, atq; perit.  
Sed qui labenti fulcrum substernit, is amplam  
Deportat laudem, & vera columna cluet.  
Tu nunc ostendis, quâ publica statuminanda  
Res sit, MI PFLUGI, res ea laudis erit.  
Labentem Patriam firmato aliquando paratis  
Consiliis, & tunc maximus Atlas eris.

*Nobilissimo Dno. Respondenti ex animo sincero  
& benevolo gratulor*

Johannes Joachimus Reiboldt,

**N**Os nisi perversi facti, lex nulla fuisset,  
Sanctio nec legis, pœna nec ulla foret;  
At quia primus homo Jovæ prolapsus in iram  
Non tantum nos lex obligat ipsa DEI,  
Sed quod, natura quum principis insuper urgent  
Subjectos legum vincula dira nimis.  
Nec princeps cunctis est legibus ipse solutus;  
Ponit ei leges Jovæ potensq; Quotis.  
Sapius à populo restringitur illa potestas  
Principis ut melius stet vigeatq; decor  
Regni: ceu Pflugi, generoso disseris ore  
Sic porrò pergas, commoda multa feres.



In honorem Generosi Dn. Respondentis,  
Consobrini sui honoratissimi, ab in-  
cunabilis usq; dilectissimi hæc gra-  
tulabundâ adjecit mente.

Adamus Erdmann à Reiboldt.

